

泊舟浯溪登唐亭

桂舟下湘水又來著浯溪欲試兩脚力故尋十載蹊
蠟屐漸相得唐亭殊可躋漫叟舊祠宅野衲重招攜
嘉慶廿二年大人過此題名壁
石亭外有次山祠宅舊僧尚在再讀中興頌還拂山
谷題碑頭走螺螄臺角鳴蟾蜍高林暑猶熾截壁曰
易西安得凍雨洗待看湘雲低

湘江村舍

湘山如翠黛湘水如碧玉巖下有居人林深不見屋
落落百尺松陰陰萬竿竹竹密一徑空照見人皆綠
況有流泉聲清冷比琴筑如此山居幽其人定無俗